

Date – 15/07/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

AKASHVANI AIZAWL

1. Chief Minister Pu Lalduhoman Mizoram sorkar hnuaia document dik lo hmanga Family Pension la mek te chu anmahni duh thu ngeia pekir turin a ngen.
2. Mihring hmanga sumdawna do turin Oasis India chuan Sairang Railway Station-ah Human Trafficking Interception Project an rawn hawng.
3. India-UK Comprehensive Economic and Trade Agreement chu vawiin atangin hman tan a ni.
4. Union Cabinet chuan vawiin khan km 46-a thui Varanasi Ring Road-a National Highway 19-naa 6-lane Greenfield Elevated Corridor siam an remti.

<><><>

CM

Dan dik lova Family Pension laten an Pension Payment Order sorkara pe kir tura sorkar hmalakna neih mekah Chief Minister Pu Lalduhoma, Finance Minister chuan Mizoram sorkar hnuaia document dik lo hmanga Family Pension la mek te chu ngaihnhathiamna hun hawn chhunga anmahni duh thu ngeia pekir turin a ngen.

Chief Minister chuan, Family Pension hi mi eng emaw zatin dik lo takin an la nia hriat a ni a ti a. A then chuan tum reng vangin document lem hmangin an la nia a lan laiin mi tam tak chuan an hriat loh vangin an lo la an ni thei bawk a. Hetianga dik lo taka sorkar sum luan raltirna hi tihtawp an tum a ni a ti.

A bultan nan mahni duhthu ngeia PPO pekkirna hun, thla thum chhung an hawng mek a, document dik lo, dawt behchhana family pension laten anmahni duh thu ngeiin bansan se, hun hawn chhunga pe kirte chu an sum lo lak tawhte kn chhuh dawn lo va, an ngaidam dawn a ti.

Ngaihnhathiamna hun a ral hunah Task Force ten pension latute zawng zawng hi kal chilhin, a hmuna an endik dawn a. Dik lo taka pension la an hmuhchhuahte chu an tihtawpsak bakah hremna pek an tum a ti bawk.

Finance Department chuan dan dik lo va Family Pension laten an Pension Payment Order sorkara pe kir tura hmalakna bultanna vawiin khan Aizawlah neih a ni a, Chief Minister hian he hun hi a hmanpui a ni.

Sorkar chuan dik lo taka Family Pension latute tan mahni duhthu ngeia sorkara pekkir na hun July ni 1 atanga September ni 30 chhung a hawng mek a, mi thenkhat chuan an PPO te an pe kir tawh nia sawi a ni. He mi hun chhunga pe kir lote dapchhuah hna hi thawh chhunzawm a ni ang a, document lem hmanga hetiang thil tih tumna hi a awm zui zel loh nan zau taka awareness kalpui a ni bawk ang.

Tunah hian Mizoram sorkar hnuaiah pension benefit dawngtu hi mi 39,954 an awm mek a, heng zingah hian superannuation pension la mek 22,139 leh Family pension la mek mi 11,194 an awm a. Pension chi dang latu Centralised Pension Processing Centre (CPPC) kal tlanga la 5629, Voluntary 594, VRS 289, Invalid 69 leh Compulsory mi 40 te an awm a ni.

<><><>

TRAFFIC REPORT

Aizawl khawpuiah tunhnaiah sawi lawk loa lirthei enfiahna tum hnih Traffic Police ten neiin, mi 650 man an ni.

Traffic Police Addl. SP Pu Saidingliana Sailo chuan lirthei chetsualna hrang hrang laka mipuite leh lirthei khalhtute an him zawk nan tunhnaiah Aizawlah enfiah runpui te neih thin a ni a, Pathianniah tum hnih leh zan reiah tum hnih an neih tawh a mi an man zat chu an vaiin mi 650 an ni a, an pawisa chawi tlingkhawm chu cheng nuai 4 sing 5 sang 4 a a tling a ni a ti.

Vawiina Akashvani News in a kawmnaah Pu Saidingliana Sailo chuan Mizoram chhunga lirthei chesualah a lirthei chiangkuan loh vang chu a awm mang loh thu sawiin lirthei tha pangngai, a khalhtu inthlahdah leh fimkhur tawk loh vang a nih tlangpui thu a sawi a. Lirthei tlan chak lutuk chu lirthei chetsual chhan zinga a langsar deuh a nih thu a sawi a. Lirthei chesual zingah two wheeler a tam ber thu sawiin traffic dan bawhchhiaah pawh two wheeler an tam ber thu a sawi.

<><><>

HUMAN TRAFFICKING PROJECT

Mihring hmanga sumdawnna do turin Oasis India chuan Sairang Railway Station-ah Human Trafficking Interception Project an rawn hawng a.

Sihhmui VCP Pu Lalthlengliana'n he project hi hawngin ram lian zawka thil thleng tura ngaih vawiina Mizoram chhunga ngeia a dona tur programme hawn a ngai ta chu hmalakna tha tak a nih rualin thil lungchhiatthlak tak nia a hriat thu a sawi a. Thawktute hmalakna chu khawtlangin a thlawp tlat dawn tih sawiin an tanpuina an mamawh a nih chuan inthlahrung miah loa hrih thin turin a chah a ni.

Byte of Sihhmui VCP

Oasis India Executive Director Pu Mangneo Lhungdim chuan Oasis India chu London-ah kum 38 kaltaa tan a nih thu leh India ramah pawh kum 30 chhung a kal tawh thu a sawi a. A thawh ber chu mihring hmanga sumdawnna do leh hetiang tuartute chhanchhuah leh enkawl a ni a ti a, Inkalpawhna lama hmasawnna ruhrel lian hrang hrangte chu mihring hmanga sumdawnna thlenna hmun anih avangin inbuatsaih a pawimawh tih sawiin kohhran, YMA, MHIP leh khawtlang mipuite thawhpuina an mamawh thu a sawi a, theihtawpa tangruala mihring hmanga sumdawnna do puiah a sawm a ni.

Byte of Mangneo Lhungdim

Sihhmui MHIP President Pi Laldawngliani chuan mihring hmanga sumdawna chungchang chu Sairang rel chawlhmun an lo din tirh khan an ngaihtuahnaah a awm thu leh eng angin nge hma an lak ang tih an ngaihtuah ve thin a ti a, tuna hmalakna chu an thlawp thu a sawi a ni. Sihhmui MHIP President chuan Sairang police te chu tlem an tih thu leh an indaihlo hle ni a an hmu thu sawiin Rel station-a duty turin sorkarin police dah belh thei se a duh tih a sawi a ni.

Byte of Sihhmui MHIP President

Sairang rel chawlhmunna Oasis India in Human Trafficking Interception Project an hawn hi hmarchhaka a pathumna a ni a. Kamakhya Railway Station leh Dimapur Railway Station-ah te an lo hawng tawh a ni.

<><><>

KHAWZAWL DIST OILSEEDS

Sorkar laipui hnuaia Loneitute tel-a an intodelhna tur NMEO Oil Seeds hnuaiah Khawzawl dist-a loneitu thenkhat chuan kum khat tla tel an herchhuak a.

Khawzawl District Agricultural Office chuan NMEO-Oil Seeds scheme hnuaiah kum 2025-26 chhung khan Khawzawl District ah Nihawi (Variety KBSH 90) a chintir a. Nihawi hi zau) 7 - Rabung, Sialhawk, Biate, Khawzawl, Khawhai leh Kawlkulh, New Chalrangah te chin niin loneitu 54 in ram Hectare 50 vel a zau ah nihawi hi an ching a, DAO hmalaknain tel herna khawl ngaihtuah niin khawl hi hmun thum Khawzawl, Rabung leh Sialhawk-ah te bun a ni a, tel 2000 litre her chhuah a ni a, zaa 99.9 a fir a ni.

Khawzawl District Agriculture Officer Pi Lallawmzuali chuan tun dinhmuna Khawzawl District-a NMEO-Oil seeds in a tum ber chu loneitute Tela an lo intodelh leh tel hrisel tak an ei theih a ni a ti a, kumina tel her chhuah atang pawh hian loneitu tam zawk chuan a kum khat tla hi an thar tawh thu a sawi.

(BYTE)DAO)

Kan corr report ngaithla ang.

VC

Khawzawl dist ah hian Nikum lamah khaw 6-ah Nihawi chin a ni a, an hmalakna te leh an tel tharte an hmuhin loneitu tam zawk leh khua la ching ve ngailo te pawn an chin duh thu an sawi a, kuminah hian tuna tel an thar aia tam zawk hi an thar leh ngei an beisei thu a sawi a. Nihawi hi nikum lamah khan leiletah buh seng zawh hnuah chin a ni a, kum danga thlai ching lova leilet lo dah awl thinna hmunah hun rei lo te chhunga thar theih, tha leh pawisa sen ngai em em lova Nihawi chin hi loneituten zawnghhang thlak an ti em em a. Kuminah pawh a tam zawkin buh seng zawhah chin an tum leh a, hemi inbuatsaihna atan hian loneitute hnenah buh thar rang chi chin tir an nih thu a sawi baw.

<><><>

WEATHER

Mizoramah ni 3 chhung ruah a sur chhonzawm tura hmulawk a nih thu Indian Metereological Department Aizawl Director Pu Sudheer Kumar Dwivedi chuan a sawi a,

Akashvani News in a kawmnaah he thu hi sawiin Lunglei leh Serchhip district-ah chuan ruah tui a tam lutuk lo tura rin a ni a, Aizawl bakah Mizoram chhim lam district hrang hrangah erawh ruah a tam deuh dawna an hmuh thu a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

CETA

India-UK Comprehensive Economic and Trade Agreement chu vawiin atangin hman tan a ni. Prime Minister Narendra Modia chaun vawiina Comprehensive Economic and Trade Agreement (CETA) leh Agreement on Social Security te chu India leh United Kingdon thawhdunnaa hun pawimawh tak a ni a ti a. Social Media-a a thudahah Pu Modia chuan CETA chuan India rama loneitute, sumdawngtute leh MSME te tan UK-a lei leh hralhna an va chuangkai pha ve dawn a ti.

<><><>

UNON CABINET

Union Cabinet chuan vawiin khan km 46-a thui Varanasi Ring Road-a National Highway 19-naa 6-lane Greenfield Elevated Corridor siam an remti. Union I&B Minister Ashwini Vaishnaw chuan he project atan hian cheng vaibelchhe sing 1 sang 4 leh 400 sen anih tur thu New Delhbi-a chanchinbumite a kawmnaah a sawi a. Kawngpui hi siam zawh anih chuan lirthei tawt lutuk pawh a a ti ziaawm dawn tih a sawi a ni.

Union Cabinet hian Semicon 2.0 a pawm bawk a. He hmalakna atan hian cheng vaibelchhe nuai 1 sing 2 sang 7 leh 500 hman tura ruahman a nih thu Pu Vaishnaw chuan a sawi bawk a ni.

<><><>

FIFA WC 26

FIFA World Cup 2026 Semifinal inkhe pahnihnaah zanin dar 12.30 hian England leh Champion lai Argentina an intum dawn a. Team ngaihven hlawh England hian Semifinal thleng turin Quarterfinal-ah Norway an hneh a. Hetihlai World Cup Champion lai Argentina hian Quarterfinal ah Switzerland an hneh thung a ni. Zanin inkhela a chak zawk hian Pathianni zan final ah Span an tum dawn a ni.

<><><>